

Universitätsbibliothek Paderborn

Theologia Moralis, Seu Resolutio Casuum Conscientiæ

Juxta Sacram Scripturam, Canones, Et Sanctos Patres

Continens Tractatus de Sacramentis in genere; de Baptismo, de Confirmatione, Eucharistia, Sacrificio Missæ; Constitutionem Innocentii XII. super celebratione Missarum, variaque alia decreta

Genet, François

Parisiis, 1703

Caput VII. De Actione quâ Corpus Christi est in Eucharistia, ac de modo quo ibi realiter existit.

urn:nbn:de:hbz:466:1-40834

CAPUT VII.

De Actione quâ Corpus Christi est in Eucharistia, ac de modo quo ibi realiter existit.

Quæst. I. **Q**UOMODO vocanda est actio, quâ Panis & vinum mutantur, seu convertuntur in Corpus & sanguinem Christi in Eucharistia?

Resp. Actio quâ Panis, & vinum, quæ sunt materia Eucharistiae, convertuntur in Corpus & sanguinem Christi Domini, vocatur ab Ecclesia Catholica Transubstantiatio; ut enim Conc. Trid. ait Concilium Tridentinum: *Quoniam autem fess. 13. c. 4. Christus Redemptor noster Corpus suum, id quod sub specie Panis offerebat, verè esse dicit: ideo persuasum semper in Ecclesia Dei fuit, idque nunc denuò sancta hac Synodus declarat, per consecrationem Panis & vini, conversionem fieri totius substantiæ Panis in substantiam Corporis Christi Domini, & totius substantiæ vini in substantiam sanguinis ejus. Quæ conversio convenienter & propriè à Catholica Ecclesia Transubstantiatio est appellata.*

D. Ambro. Et, ut ait Divus Ambrosius relatus in Canone. *Panis est in Altari usitatus ante verba Can. Pani. 55. De Consecr. Sacramentorum: Vbi accessit consecratio, de dist. 2. Pane fit Caro Christi.*

Can. Nos au- Dicitur etiam in Canone: *Cùm fideliter tem De Con- fateamur ante consecrationem esse Panem & feer. dist 2. vinum, quod natura formavit, post consecra- tionem verò Christi Carnem & sanguinem, quod benedictio consecravit.*

Denique Concilium Lateranense sub Inno-

De Sacram. Euchar. Cap. VII. 161

centio III. Corpus & sanguis Christi Iesu, Cap. Firmans
ait Concilium, in Sacramento Altaris sub De summa
speciebus Panis & vini veraciter continentur,
transubstantiatis Pane in Corpus, & vino
in sanguinem potestate divinâ.

Quæst. 2. Quid est Transubstantiatio?

Resp. Constat ex inductis auctoritatibus,
transubstantiationem esse conversionem, seu
mutationem totius substantiæ in aliam substan-
tiæ, quæ illi succedit ex vi hujus conver-
sionis.

Est primò conversio, seu mutatio, quia in
transubstantione una substantia transit in aliam
substantiam.

2. Est mutatio totius substantiæ in aliam
substantiam illi succedentem; per quod trans-
ubstantiatio distinguitur à quacumque alia
mutatione tam substanciali, quam accidentalis.
Primo ab accidentalis, in qua substantia non
mutatur nisi quia recipit novum accidens, quod
non habebat. Secundò à mutatione substanciali,
sive contingat per conversionem, aut crea-
tionem, sive annihilationem. Nam in conver-
sione substanciali, naturali, & consueta tota
substantia non mutatur, tam quoad materiam,
quam quoad formam, cum materia semper
remaneat: at in transubstantiatione nihil re-
manet, neque materiæ, neque formæ. In
creatione quoque, una substantia non muta-
tur in aliam substantiam, sed producitur ex
nihilo; & in annihilatione una substantia redi-
gitur in nihilum; in sola igitur transubstan-
tiatione una substantia transit, seu mutatur in
aliam.

Tertiò est mutatio, quæ fit *Ex vi & vir-*
tute conversionis, quia in transubstantiatione
necessè est, ut substantia desinat esse per ean-
dem virtutem, quæ aliam ejus loco producit;

162 TRACTATUS IV.

S. Ambros.
lib. de ini-
tiandis, cap.
91

quare, ut ait sanctus Ambrosius; *Si tantum valuit sermo Eliae, ut ignem de cælo depromeret, non valebit Christi sermo, ut species mutet elementorum?*

Quæst. 3. Remanet ne aliquid de substantia Panis & vini post consecrationem?

Conc. Trid.
sess. 13. Can.
2.

Resp. Est de fide definitum in Concilio Tridentino, totam substantiam Panis & vini mutari in substantiam Corporis & sanguinis Domini. *Si quis dixerit, inquit, in sacra-sancto Eucharistia Sacramento remanere substantiam Panis & vini unà cum Corpore & sanguine Domini nostri Iesu Christi, anathema sit.*

Can. Omnia.
De Consecr.
dist. 2.

Rationem autem hanc affert Divus Ambrosius relatus in Canone; *Omnia, inquit, quacumque voluit Dominus fecit in cælo & in terra: & quia voluit, licet figura Panis & vini hic sit, omnino nihil aliud quam Caro Christi & sanguis post consecrationem credenda sunt. Vnde ipsa veritas ad Discipulos hoc inquit: CARO MEA EST PRO MUNDI VITA.*

Cath. Conc.
Trid. parte
2. de Euchar.
nu. 38.

Quæst. 4. Si nihil remanet de substantia Panis post consecrationem, quare Sacramentum Eucharistiae dicitur Panis in Scriptura sacra?

Resp. Ut ait Catechismus Concilii Tridentini: *Mirandum non est, si post consecrationem Panis etiam vocetur: Hoc enim nomine Eucharistia appellari consuevit: tum quia Panis speciem habeat, tum quia naturalem aliendi & nutriendi Corporis vim quæ Panis propria est, adhuc retineat. Eam autem esse Sacrarum litterarum consuetudinem, ut res ita appellat cuiusmodi esse videantur, satis ostendit quod in Genesi dictum est, tres viros Abraham apparuisse, qui tamen tres Angeli*

De Sacram. Euchar. Cap. VII. 163
erant: & duo illi qui Apostolis, ascende[n]te in
caelum Christo Domino, apparuerunt, cum
essent Angeli, viri dicuntur.

Quaest. 5. Quid est in Eucharistiæ Sacra-
mento ex vi, & virtute verborum, & quid ibi
est solùm per concomitantiam?

Resp. Concilium Tridentinum clare resol-
vit hanc difficultatem cum ait, *Verum Do-* Conc. Trid.
mini nostri Corpus, verumque ejus sanguini- less. 13. cap.
nem sub Panis & vini specie, una cum ip[s]ius 3.
anima & divinitate existere: sed Corpus qui-
dem sub specie Panis, & sanguinem sub vini
specie ex vi verborum; ipsum autem Corpus
sub specie vini, & sanguinem sub specie Panis,
animamque sub utraque vi naturalis illius
connexionis & concomitantia: (quæ partes
Christi Domini, qui jam ex mortuis resurre-
xit non amplius moriturus inter se copulan-
tur) Divinitatem porrò, propter admirabilem
illam ejus cum Corpore & anima hypostati-
cans unionem. Quapropter verissimum est,
tantumdem sub alterutra specie, atque sub
utraque contineri: totus enim & integer Chris-
tus sub Panis specie, & sub quavis ip[s]ius spe-
ciei parte: totus item sub vini specie, & sub
ejus partibus existit.

Ideo autem ex vi & efficacia consecrationis,
seu verborum, solum Corpus ponitur sub spe-
ciebus Panis, & solus sanguis sub speciebus
vini; quia id solum est in Eucharistia ex vi
verborum, cuius præsentia necessaria est ad
veritatem verborum, quæ proferuntur, id
scilicet quod præcisè significatur per verba
prolata; & id est in Eucharistia per concomi-
tantiam, quod naturalem, & necessariam con-
nectionem habet cum eo, quod adest, seu po-
nitur ex vi, & efficacia verborum: at evidens
est, quod ad veritatem verborum consecratio-

164 TRACTATUS IV.

nis Panis , sufficit ut ponatur Corpus Filii Dei, & ad veritatem verborum consecrationis vini, sanguis , cætera verò ex necessaria connexione ; nam cùm Christi Corpus sit vivens , esse nequit sine sanguine , anima , & divinitate.

S. Tho. 3. p. Sub speciebus Panis , ait Divus Thomas, q. 76. art. 2. sanguis Christi est ex reali concomitantia sicut in corp.

sanguis Christi est ex reali concomitantia sicut anima & divinitas , eò quod nunc sanguis Christi non est ab ejus corpore separatus , sicut fuit tempore Passionis & mortis . Vnde si tunc fuisset hoc Sacramentum celebratum sub speciebus Panis , fuisset Corpus Christi sine sanguine , & sub speciebus vini , sanguis sine Corpore , sicut erat in veritate.

Quest. 6. Quomodo Corpus Christi Domini est in Eucharistiae Sacramento?

Resp. Ad hujus intelligentiam sciendum est D. Th. 3. p. cum Divo Thoma , quod Corpus Christi est q. 76. art. 3. in hoc Sacramento per modum substantia , id in corp. est , per modum quo substantia est sub dimensionibus , non per modum dimensionum , id est , non per modum illum quo quantitas dimensionis alicujus Corporis est sub quantitate dimensionis loci . Manifestum est autem quod natura substantia tota est sub qualibet parte dimensionum sub quibus continetur , sicut sub qualibet parte Panis est tota natura Panis : & hoc indifferenter , sive sint dimensiones actu divisa , (sicut cùm aër dividitur , vel Panis secatur) vel etiam sint actu indivisa . divisibles verò potentia .

Ex his patet quomodo totus Christus sit sub qualibet parte specierum Panis , non modò cùm hostia est divisa , verùm etiam cùm tota integra est ; sicut ratio substantiae in toto continuo , & in totis ejus partibus invenitur : neque enim , ait Catechismus Romanus , p. 2. Cath. Conc. p. 29 de Eu- Christum Dominum ea ratione in Sacramento

esse dicimus, ut magnus, aut parvus est, char. Sacram.
quod ad quantitatem pertinet, sed ut substan- num. 43.
tia est. Substantia enim Panis in Christi sub-
stantiam, non in magnitudinem, aut quan-
titatem, convertitur. Nemo verò dubitat sub-
stantiam & què in parvo, atque in magno spa-
tio contineri: nam & aëris substantia, tota-
que ejus natura sic in parva ut in magna
aëris parte, itemque tota aqua natura non
minus in urnula, quam in flumine insit, ne-
cessè est. Cùm igitur Panis substantia Corpus
Domini succedat: fateri oportet ad eundem
planè modum in Sacramento esse, quo modo
Panis substantia ante consecrationem. Ez verò
utrum sub magna, an sub parva quantitate
esset, nihil ad rem omnino pertinebat.

Unde ut ait sanctus Augustinus relatus in
Canone, *Singuli accipiunt Christum Domi-* Can. Singuli
num, & in singulis portionibus totus est: nec De Consecr.
per singulos minuitur, sed integrum se præbet dist. 2,
in singulis.

C A P U T VIII.

De speciebus Sacramentalibus.

Quæst. 1. **Q**uid sunt species Sacra-
mentales?

Resp. Nihil aliud per species Sacramentales
significatur, quam accidentia Panis, & vini,
quæ remanent post consecrationem, cuiusmo-
di sunt figura, color, odor, sapor, & similia;
& hoc est quod Theologi, post Magistrum
sententiarum, appellant Sacramentum tan-
tum.

Quæst. 2. Quid est illud quod vocant Sa-
cramentum tantum; Sacramentum, & rema